

浮蘅微

眉

夢波

樓

詞詞詞



浮
眉
樓
詞

郭
麋
著

中
華
書
局

叢書集成初編

微波詞（及其他二種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘二〇九二毫米三十二分之一
統一書號：一七〇一八·一五一

浮
眉
樓
詞

此 據 榆 園 叢 刻 本
排 印 初 編 各 叢 書
僅 有 此 本

浮眉樓詞卷一

吳江郭麐祥伯著 仁和許增邁孫刊

天香

花露

炊玉成煙。揉春作水。落紅滿地如埽。百末香濃。三霄夜冷。無數花魂
招到。仙人掌上。迸鉛水。銅槃多少。空惹蠶王惆悵。未輸蜜脾風調。
謝娘理粧趁曉。面初勻。粉光融了。試手擘牋重盟。薔薇尤好。卻笑文
園病渴。似飲露。秋蟬便能飽。待鬪新茶。聽湯未老。

附前調

尤維熊 二 娛

候火安爐。量沙布餽。蒸成芳液盈匕。涼沁荷筩。冷淘槐葉。輪與山
僧佳製。鉗罌分餉。傾一滴。便消殘醉。卻笑辛勤蠶釀。祇供蜜殊留

嗜。試調井華新水。面纔勻。睂眉還未。慣共粉奩脂盞。上伊纖指。
向晚粧臺一餉。又融入。犀梳攏雙髻。夢醒餘香。綠鬟猶膩。

齊天樂

塔鈴

四禪天上天風小。偶然吹墮仙響。翠堵波高。金銀鏽動。雨歇實繩微漾。雲思霞想。在謾謾松閒。星星鐘上。驚起栖禽。飛來還向相輪傍。
三更歌管都罷。只郎當九子。似話惆悵。步履廊空。吹簫客去。自發人天高唱。舊遊無恙。認放鴿庭陰。護花窗網。小立斜陽。隔牆聞梵放。

前調

尤維熊

人天籟寂煙霄暝。千花法輪常轉。九子齊鳴。一鈴獨語。錯落聲如珠貫。石壇花院。有一陣松颺。高低吹亂。除是澄公。秀支劬禿。認能辨。
空廊有客孤寄。向鐙昏獨聽。似近還遠。月下檐牙。雨邊驛路。

無此惺忪淒婉。粥魚茶板。只面壁僧枯。聞根先斷。一任山椒。天風搖夜半。

摸魚兒

盪湖船

一篷兒。花天酒地。消磨風月如許。吳娃生長吳船上。只共鴛鴦爲侶。船六柱。從不識愁風。愁水天涯路。輕橈容與。問兩寺東西。半塘前後。商略泊何處。江南好。不在中流簫鼓。牽人好夢無數。十年水驛風鐙夜。負了畫船聽雨。臨別語。怕紙醉。金迷忘卻秋娘渡。重來記取。有澹澹窗紗。疏疏簾影。隱隱數聲鷓。

前調

尤維熊

正江南。葦絲風軟。波光七里吹皺。移來花月青簾底。滿載玉缸春酒。絲華藪。將蠡殼窗兒。徧換明珠繡。停橈渡口。認斟酌橋頭。紅闌

低映幾樹水楊柳。恰相對。一點遙青橫軸。柁樓人更明秀。蜀釐細搗吳鹽灑。更倩調冰雪藕。勞纖手。看送了、航船暗拓鞦韆尖瘦。明鐙池後。纔緩櫂歸來。高城一角。斜月下蓮漏。

水龍吟

吳歌

摩訶池上歌殘。一聲何處悠揚起。將連忽斷。似無還有。月明風細。月子彎彎。花開緩緩。一般情思。算簫家不是。漁家不是。問莫是。劉三妹。子夜四時堪儼。變新聲。我儂歡喜。扁舟夜泊。人家兩岸。聽風聽水。白葛單衣。蒲葵小扇。新涼天氣。又前溪柔艣。嘔啞說是。釣船歸矣。

前調

尤維熊

五湖天水空濛。一枝柔櫓衝煙破。聲聲斷續。三高祠下。垂虹亭左。棹入前溪。三三兩兩。菱歌相和。正員沙清淺。鳧飛拍拍。笑脫下。紅

幫裏。最是曉風殘月。牘微茫。一星漁火。遙聞斷港。纔從浦轉。又穿橋過。水國陰晴。江鄉兒女。儘伊煩惱。怕驚他孤客。蓬窗夢醒。又還重作。去聲

挂枝香

蕉扇

誰裁花骨。怕新裂齊紈。無此圓潔。想見黃昏。雨足綠天雲割。憐他不入人懷袖。卻生成。也無員闕。紫蕉衫底。白荷花下。晚風香辣。話昔日山塘土物。同衲席湘筠。一樣清絕。七寶修成。不是舊時明月。舊時舊事。何人記。有冷螢。空堦明滅。最難忘處。羅帳雙笑。一鐙初殺。山塘賣扇。以選葉爲工。近皆飾以金繡。失當時之意矣。

前調

尤維熊

裁雲滿把。憶小院綠天。密雨初灑。誰仿謝家新製。市頭論價。紅牋

一抹剛遮映。握春黃。晚粧纔卸。庭軒露坐。乍停還拂。流螢將下。
記女伴穿鍼閒話。有花骨。欹斜。密字偷寫。便肯從人方便。也休輕
借。六月不借扇。吳中諺也。輕容不放秋蚊入。向舊幃。深處低挂。挑笙如水。暫
教閒卻。嫩涼今夜。

右武邱樂府五首。結夏僧房。端居無侶。輒仿南宋人樂府補題
之製。譜山中風物。希同調者繼聲焉。二娛尤君首先見和。其詞
尤工。用同著於篇。小吳軒行館書。

臺城路

同嚴丈歷亭游舒氏園作

薄陰不散霜飛早。園林深貯秋意。水木清蒼。陂陀高下。澹與暮雲無
際。紅泥亭子。占一角孤城。七分煙水。最愛疏疏。竹竿萬個。滴寒翠。
年來俊侶都散。便登山臨水。只恁顚顚。倦柳攀條。清流照鬢。暗老悲

秋身世。荒寒如此。又畫角聲中。夕陽垂地。樹樹西風。暮雅寒不起。

翠樓吟

山行幽絕。臨水數家。門外木芙蓉正花。爛漫無次。殊慙幽情。紀以此詞。

濕翠霑衣。暗苔粘屐。幽尋最愛清曉。峰回剛路轉。恰對面、數峰清峭。似儂曾到。只三兩人家。看來都好。柴門小。芙蓉無數。一時紅了。誰料。隨意閒行。有芳塘花鴨。徐熙畫稿。水邊同照影。定見我、風前側帽。也應含笑。怕青鳥丁甯。玉容易老。尋芳早。向人山色。一眉新掃。

望湘人

用穀人先生韻

漸蕭蕭瑟瑟。冷冷清清。客懷如許淒戀。衰柳翻鴉。枯荷鬧雨。子夜怨歌先變。鏡裏霜寒。鐙前人瘦。眉邊山遠。儘哀弦。一曲思歸。飛起十三

箏雁。數盡更更點點。把孤衾斷夢。一宵尋徧。只文鴛繡枕。記得舊時曾薦。酒痕濃澹。淚痕重疊。濕了小蠻鍼線。問何日、纖手親攜。笑勸芳尊須滿。

柳色黃

西湖秋柳用穀人先生秋柳詞韻

西子湖頭。歸路繫船。暮色催霽。疎疎漏出斜陽。便做秋來詩意。春人老去。想見油壁車歸。銷磨裙帶同心字。有一陣西風。添一分顚顚。還擬東風舊院。北苑新圖。南朝蕭寺。幾點昏雅。小坐蒼煙叢裏。荷花柱子。分將一鏡新愁。照他鬢影清無底。縱有浣紗人。挽纖腰不起。

江城梅花引

一重方空一重紗。采蓮花。采菱花。愛住吳船。生小號吳娃。牆內紅樓樓外水。有明月。照鴛鴦。宿那家。那家。那家。在天涯。雨又斜。雲又遮。

聽也聽也。聽不到。一曲琵琶。漸漸西風。秋柳不藏雅。欲倩西風吹夢去。還只恐。夢魂中。太遠些。

滿庭芳

扇月投懷。衣香分袂。箇儂道是無愁。采蓮歸去。佯醉臥篷篴。攜取屏山六六。繩河外。殘雨初收。良期近。一天風露。無睡待牽牛。句留能幾日。有門前流水。催上蘭舟。漸蘭舟不見。野水空流。欲寄銀鈎小字。趁征鴻。飛過樓頭。沈吟徧。又愁別後。不上小紅樓。

天香

粉

擣麝成塵。調鉛作雪。秦樓一轉初試。露下芙蓉。雨餘篴竹。滿鏡六朝春思。仙人掌上。先染了。葱根纖指。繡領乍。溼餘香。金盆緩傾殘水。侵晨宿粧紅膩。拂湖絲。掃眉還未。殘夢關心蝴蝶。欲乾雙翅。不信比

來下淚。問玉頰。成痕爲何事。索寫丹青。賸來有幾。

摸魚兒

苺茹

買陂塘。兩邊添種。高荷大芋相似。生成葉葉雙岐樣。合傍谿流燕尾。
江上水。記送別西灣。話到年時事。故人歸未。正軟柄欹風。低枝鬧雨。
一碧亂無次。江鄉好。隨意蒔絲菰米。食單多在水際。雞頭菱角堆
槃後。草草田園風味。渾不記。合付與。廚娘略下些鹽豉。旗亭小市。共
山栗燂餘。村醪熟後。閒買夜來醉。

水龍吟

蘋花

菱歌唱斷前溪。青山影裏秋江老。晚風乍起。涼煙不散。數花開早。去
鳥明邊。閒鷗眠處。采香人少。便翠禽一點。愁他難立。除非是。蜻蜓小。

有客谿頭垂釣。又句留、一年過了。楊花身世。蘆花伴侶。嫩寒清曉。隨意停舟。偶然照眼。添枝紅蓼。向水仙祠下。登蘋搴藻。共寒泉茗。

齊天樂

果蠃

蟲蟲生就腰支細。孤懸長自幽怨。小尾雄蠃。畫衣穉蜨。未許尋常相見。案頭筠管。想小寄全家。一丸泥滿。暖日窗櫺。蛛絲捎徧畫檐短。鉗笙相和淒切。聽哀音微細。似續還斷。負蜨身勞。顛當門守。也結蟲天仙眷。休言善幻。笑人世兒曹。骨凡難換。戢戢螽斯。一宵如雨點。

桂枝香

黃蜺

春潮長處。正隔浦聲喧。櫂頭船聚。似罨春泥。不用笭簖漁具。從來論斗平量慣。敏舷呼。鹿錄拋與。有時亥日。漁娃白足。筠籃提取。俊味

江鄉堪數。比青鯽白蝦。羹湯同煮。合口椒辛薄醉。想伊風趣。兒童不識螺名扁笑。且食蛤蜊知許。湯溫甲卸。配他早韭。尊來新雨。

滿江紅

九日。同鐵門登鳳皇山頂。尋女教場望江。用倦圃竹垞錢唐觀潮韻。

四面青山。放江水。適當其闕。流不盡。南朝遺恨。中原如髮。更殺一團傾國笑。誰橫萬弩迎潮發。只茱萸醉裏。詔漂零。人吳越。花欲笑。簪邊雪。雲欲擁。巖前月。巖名問男兒何用。置身高絕。百感茫茫隨處有。大江滾滾何時歇。恨觀濤僕病未能來。中秋節。

買陂塘

題胡維君廬山識面圖

插清江。成峰成嶺。湖山如此明秀。何人小坐槃陀上。高挹匡君衣袖。

開笑口。道蓮社羣賢。待爾相尋久。扁舟落手。問何不乘風。開帆捩柁。數徧翠屏九。平生事。布韞青鞵都有。游踪尙欠江右。五峯一一雲中問。與老人期何後。牛馬走。恐待我歸來頭白成衰醜。觀河面皺。想意外奇逢。圖中人到。相識定如舊。

金鏤曲

閩僮黃姓。汀產也。湘湄名之曰汀鷗。爰紀以詞。

欲問伊鄉里。有詞人。小名錄就。當筵須記。萬里家山誰馴得。漂泊黃童年紀。夢不到。汀洲蘅芷。道我主盟三十六。肯相從。浩蕩江湖底。僮約在。煙波裏。可能便逐漁兄弟。買陂塘。綠蓑青笠。船頭沙觜。配箇樵青都不惡。婉婉阜羅鴉髻。應不羨。風標公子。莫度荔枝香一曲。怕回腸。容易鄉思起。謂不信。如春水。

酹相思